


AKT - THEMELIMI



I

SHOQËRISË TREGTARE "M.Z. FASHION" SH.P.K.

Në bazë të ligjit nr.7638, datë 19.11.1992 "Për shoqëritë tregtare" dhe atij nr.7667, datë 28.01.1993 "Për regjistrin tregtar", me vullnetin e tyre të lirë z.Samir Mane, i biri i Fatmirit, i datëlindjes 24 Dhjetor 1967, i lindur në Korçë e banues në Tiranë dhe z.Zoran Antic, i lindur dhe banues në Kumanovë, Maqedoni, të dy madhorë e me zotësi të plotë juridike për të vepruar shpallin si vijon :

NENI 1

Formohet shoqëria tregtare e emërtuar "M.Z. FASHION" SH.P.K.

(shoqëri me përgjegjësi të kufizuar) me themelues z.Samir Mane dhe z.Zoran Antic.

NENI 2

Shoqëria do të ketë statusin e një shoqërie me përgjegjësi të kufizuar dhe do të përballojë humbje deri në kufirin e kontributit të themeluesit të saj në kapitalin themeltar.

NENI 3

Shoqëria e ka selinë e saj në Rr. "Jordan Misja" ish UMB, Tiranë. Ajo mund të çelë dhe seli të tjera të dyta, degë e filiale, përfaqësi dhe agjensi operative në të gjithë territorin e Republikës së Shqipërisë, dhe me miratim të organeve kompetente edhe jashtë vendit.

NENI 4

Shoqëria do të ketë kohëzgjatjen e veprimtarisë së saj me një afat të pacaktuar mbi 10 vjet.

NENI 5

Objekti i veprimtarisë së saj do të jetë :

- tregtim të artikujve të ndryshëm, Import-Eksport, pajisje elektrike e elektronike, elektroshtëpiake, ushqimore, bujqësore e blegtorale, deterdive, veshmbathje, industriale, lëndë të para për industrinë, materiale ndërtimi e hidrosanitare, pajisje zyrash dhe kancelari, pjesë këmbimi auto e makineri të çdo lloji, pajisje

1

teknologjike, karburante, vajra lubrifikantë etj., si dhe tregtimi i tyre me shumicë e pakicë brenda e jashtë vendit.

- servis pajisjesh elektronike dhe elektroshtëpiakë, automjetesh, etj.
- transport të mallrave e të udhëtarëve urban, ndërurban dhe ndërkombëtar.

NENI 6

Kapitali themeltar i shoqërisë është 100.000 lekë i përbërë nga kontributi i ortakëve z.Samir Mane 51% dhe z.Zoran Antic 49%. Kapitali themelues mund të ndryshojë sipas vendimit që mund të marrin ortakët, por asnjëherë nuk mund të pakësohet nën nivelin e kapitalit themeltar. Kapitali është tërësisht i shlyeshëm e i nënshkrueshëm.

NENI 7

Shoqëria ka vulën e saj me përmbajtje **“M.Z. FASHION” SH.P.K. .**

NENI 8

Organet drejtuese të shoqërisë do të jenë:

- Asambleja e Ortakëve
- Administratori

Fusha e veprimit, përbërja dhe mënyra e funksionimit të organeve drejtuese rregullohet në statut.

NENI 9

Administratorët e shoqërisë **“M.Z. FASHION” SH.P.K.** janë z.Samir Mane, i biri i Fatmirit, i datëlindjës 24 Dhjetor 1967, banues në Tiranë dhe z. Zoran Antic lindur dhe banues në Kumanovë, Maqedoni.

NENI 10

Shoqëria konsiderohet e krijuar në përputhje me nenet e këtij akt – themelimi e të statutit bashkëlidhur aktit.

NENI 11

Ky akt përpilohet në disa kopje për t’ju shpërndarë organeve kompetente dhe një kopje mbetet në dokumentacionin e shoqërisë.

ORTAKËT E SHOQËRISË TREGTARE “M.Z. FASHION” SH.P.K.

SAMIR MANE



ZORAN ANTIC

ZORAN ANTIC



STATUT

I

SHOQËRISË TREGTARE “M.Z. FASHION” SH.P.K.

Në bazë të ligjit nr.7638, datë 19.11.1992 “Për shoqëritë trgtare” dhe atij nr.7667, datë 28.01.1993 “Për regjistrin tregtar”, me vullnetin e tyre të lirë z.Samir Mane, i biri i Fatmirit, i datëlindjes 24 Dhjetor 1967, i lindur në Korçë e banues në Tiranë dhe z.Zoran Antic, i lindur dhe banues në Kumanovë, Maqedoni, të dy madhorë e me zotësi të plotë juridike për të vepruar shpallin si vijon :

NENI 1

Formohet shoqëria tregtare me përgjegjësi të kufizuar e emërtuar “**M.Z. FASHION**” SH.P.K. me themelues Ortakët z.Samir Mane dhe z.Zoran Antic.

NENI 2

Shoqëria do të ketë statusin e një shoqërie me përgjegjësi të kufizuar dhe do të përballojë humbje deri në kufirin e kontributit të themeluesit të saj në kapitalin themeltar.

NENI 3

Shoqëria e ka selinë e saj në Rr. “Jordan Misja” ish UMB, Tiranë. Ajo mund të çelë dhe seli të tjera të dyta, degë e filiale, përfaqësi dhe agjensi operative në të gjithë territorin e Republikës së Shqipërisë dhe me miratim të organeve kompetente edhe jashtë vendit.

NENI 4

Shoqëria do të ketë kohëzgjatjen e veprimtarisë së saj me një afat të pacaktuar mbi 10 vjet.



NENI 5

Objekti i veprimtarisë së saj do të jetë :

- tregtim të artikujve të ndryshëm, Import-Eksport, pajisje elektrike e elektronike, elektroshtëpiake, ushqimore, bujqësore e blegtorale, deterditive, veshmbathje, industriale, lëndë të para për industrinë, materiale ndërtimi e hidrosanitare, pajisje zyrash dhe kancelari, pjesë këmbimi auto e makineri të çdo lloji, pajisje teknologjike, karburantë, vajra lubrifikantë etj., si dhe tregtimi i tyre me shumicë e pakicë brenda e jashtë vendit.

- servis pajisjesh elektronike dhe elektroshtëpiake, automjeteve, etj.

- transport të mallrave e të udhëtareve urban, ndërurban dhe ndërkombëtar.

NENI 6

Kapitali themeltar i shoqërisë është 100.000 lekë i përbërë nga kontributi i Ortakëve z.Samir Mane 51% dhe z.Zoran Antic 49%. Kapitali themeltar mund të ndryshojë sipas vendimit që mund të marrë ky ortak, por asnjëherë nuk mund të pakësohet nën nivelin e kapitalit themeltar. Kapitali është tërësisht i shlyeshëm e i nënshkrueshëm.

NENI 7

Kapitali i shoqërisë do të përbëhet nga kapitali themeltar, mjetet e xhiros dhe të tjera të nevojshme të luajtshme apo të paluajtshme për ushtrimin e aktivitetit të shoqërisë.

NENI 8

Aktiviteti dhe rezultati i tij konkretizohen në nxjerrjen e bilanceve periodikë e vjetorë.

NENI 9

Shoqëria është përdoruese dhe disponuese e pasurisë së saj. Ajo mund të blejë dhe mund të shfrytëzojë të drejta materiale ose jo materiale, duke përfshirë edhe të drejtën e shitjes së pasurisë së saj tek të tretët. Në Republikën e Shqipërisë kjo shoqëri gëzon të drejta si çdo person tjetër juridik shqiptar ose i huaj në përputhje me legjislacionin shqiptar në fuqi.

NENI 10

Shoqëria vepron në regjistrin e pronës dhe mund të marrë përsipër të drejta dhe detyrime vetëm brenda kapitalit të saj. Ortakët mbartin rrezikun e veprimtarisë së shoqërisë vetëm në nivelin e kapitalit të investuar në të.

NENI 11

Organet drejtuese të shoqërisë do të jenë :



- Asambleja e Ortakëve
- Administratori

Fusha e veprimit, përbërja dhe mënyra e funksionimit të organeve drejtuese rregullohet si më poshtë.

NENI 12

Asambleja e Ortakëve si organi më i lartë drejtues i shoqërisë tregtare “M.Z.

FASHION” SH.P.K ka këto kompetenca:

- të emërojnë e shkarkojnë administratorin ose administratorët e shoqërisë të marrin vendime për rritjen dhe zvogëlimin e kapitalit
- të marrin vendime për ndryshime në statut
- të miratojnë bilanci vjetorë dhe strategjinë e veprimtarisë së shoqërisë
- të marrin vendime për shitje të kuotave të kapitalit si dhe të transferimit të pjesëshëm apo të plotë të tyre
- të marrin vendime për prishjen dhe likuidimin e shoqërisë.


Asambleja mbledhet një herë në vit dhe Ortakët lajmërohen të paktën 15 ditë përpara me letër rekomande ku përcaktohet edhe rendi i ditës. Lajmërimi bëhet nga administratori ose nga personi i ngarkuar prej tij. Vendimet që merren në mbledhjen e Asamblesë duhet të kenë miratimin e një ose disa ortakëve që përfaqësojnë më shumë se gjysmën (51%) e kapitalit fillestar

NENI 13

Administratorë të shoqërisë “M.Z. FASHION” SH.P.K. janë z.Samir Mane dhe z.Zoran Antic, të dy madhorë dhe me zotësi të plotë juridike për të vepruar.

NENI 14

Me vendim të Asamblesë së Ortakëve administratori dhe personi i ngarkuar prej tyre janë të veshur me të gjithë fuqinë për detyrimin e zakonshëm e të jashtëzakonshëm të shoqërisë pa asnjë kufizim. Ata kanë mundësinë për të kryer të gjithë aktet që konsiderojnë të përshtatshme për arritjen e qëllimeve të shoqërisë. Ata kanë të drejtë, midis të tjerave, të blejnë e të këmbejnë pasuritë që lidhen me shoqëri të tjera brenda dhe jashtë vendit duke siguruar pjesëmarrjen për qëllimet e veprimtarisë parashikuar nga neni 5 i këtij statuti. Ata kryejnë çdo lloj veprimi pranë të gjithë zyrave shtetërore e private që kanë të bëjnë me garancitë dhe veprime hipotekore, të kryejnë pranë institucioneve bankare e financiare veprime depozitimi, kreditimi, pagesa dhe arkëtime si dhe veprime të tjera që i shërbejnë aktivitetit. Në këto raste personi i ngarkuar nga administratori është i detyruar të njoftojë e t'i japë llogari atij.

NENI 15

Administratori, sipas nevojave që paraqiten për zhvillimin e veprimtarisë së shoqërisë, punëson persona të cilëve u cakton detyrat dhe pagën. Shoqëria merr përsipër të respektojë rregullat e punësimit në Republikën e Shqipërisë dhe sig. shoqërore.

NENI 16

Marrëdhëniet e punës në këtë shoqëri rregullohen nëpërmjet kontratës së punës. Për çështjet që nuk parashikohen në to zbatohen dispozitat e Kodit të Punës në Republikën e Shqipërisë. Mosmarrëveshjet e punonjësve me shoqërinë do të zgjidhen në Gjykatën Shqiptare. Punonjësit e emëruar nuk marrin pjesë në ndarjen e fitimit të realizuar nga shoqëria gjatë aktivitetit të saj, nëse në kontratën e punës nuk është parashikuar ndryshe. Për punën e kryer punonjësit marrin pagë siç është parashikuar në kontratë.

NENI 17

Veprimet ekonomiko-financiare të shoqërisë nisin vitin e parë në momentin e regjistrimit në organet tatimore, ndërsa vitet e tjera në Janar dhe mbyllen në 31 Dhjetor të çdo viti. Në fund të çdo periudhë ushtrimore hartohet bilanci kontabël sipas ligjeve në fuqi. Bilancet periodikë miratohen e nënshkruhen nga Administratori, ndërsa ai vjetor miratohet nga Asambleja e Ortakëve. Me miratimin e tyre Ortakët vendosin për krijimin e fondeve rezervë të akumulimit, etj.

NENI 18

Të ardhurat në to pas veçimit të fondeve të sipërpërmendura dhe shlyerjes së detyrimit fiskal i mbesin në përdorim Ortakëve të shoqërisë. Konvertimi i parasë së realizuar do të bëhet sipas kushteve të bankës kombëtare ose bankave të tjera të nivelit të dytë, ndërsa transferimi i tyre do të bëhet sipas ligjeve shqiptare.

NENI 19


Shoqëria ka vulën e saj me përmbajtje "M.Z. FASHION" SH.P.K.

NENI 20

Shoqëria konsiderohet e krijuar në përputhje me nenet e këtij statuti dhe aktit të themelit bashkëlidhur dhe fiton personalitetin juridik me regjistrimin në Gjykatën e Rrethit Tiranë.

NENI 21

Shoqëria mund të prishet në çdo kohë me vendim të Asamblesë. Në këtë rast Asambleja cakton një ose më shumë Likujdatorë. Likujdatori dhe Administratori



janë përgjegjës për ruajtjen e pasurisë për derisa t'ju dorëzohen personave përkatës duke likuiduar në radhë të parë detyrimet fiskale e detyrimet ndaj të tretëve.

'NENI 22

Për sa nuk është shprehur në këtë statut i referohet plotësimeve që do të bëjnë Ortakët si dhe ligjeve të veçanta në të cilat është referuar hartimi i këtij statuti.

NENI 23

Ky statut përpilohet në disa kopje për t'ju shpërndarë organeve kompetente dhe një kopje mbetet në dokumentacionin e shoqërisë.

ORTAKËT E SHOQËRISË TREGTARE "M.Z. FASHION" SH.P.K.

SAMIR MANE

SAMIR MANE



ZORAN ANTIC

ZORAN ANTIC

